

8/5  
75  
repeat on  
full page

(3 copies)  
00

History ya Bošexa xa Molêpô  
History of Ba Molepo rewritten copy

~~copy~~  
Kgoadi Mpe  
K 34/5

PP. 1-4

Ba xa Molêpô ke Makxalaka, ba kxaxane le Makxoba Kxatla ba theoxela Bošexa ba kwetša xo buša Makubu. Kxoši ya Makubu e le Molelemanane Maloka, Bona kxoši ya bona e le Mmatwane. Mmatwane a tswala Lekxalaka. Ba lwa le Makubu ba a fišetša dintlo. Ba be ba thumešitše dišu tša dikxomo ka mollô ba di thlometše mesêbêng. Xe mšêbê e thlaba dintlo, tša fswa. Ke xe Makubu a fengwa xobane a se sa ne xae. Moraxo xwa buša Maiša, yêna o lwele le Mapono a xa Mosekakatsê. Ka moraxo xa ntwa yeo xwa thlaxa tlala ya Bodimo. Tšaleng yona yeo xo be xo supanetše xo wêla morwaxwe Setlakalane, mme mohumaxadi a êpêla mabêlê ka ntlong kxoti yeo ya bolawa ke tlala a êpêlwa mmotong wa Makxoroma mo xo êpêlwang dikxoši tša Bošexa le lehono.

Ka moraxo xa moo mokxômana wa xa Mafêfê a longwa ke kwena ka xe molaô wa setala o be o re motho xa a lomilwe ke kwena xa a tsene ka kxôra, a laola dira xo ya xo hula Maune xa Mmathšipi, a feta a papa sera Bošexa, sôna sa rwala ke Setlakalane e le mokxômana wa Bošexa. Ba fihla ba fenya Matebele ba hlaba dikxomo ba apha nama kxorong. Mohumaxadi a re: "Ka le reng le re le pentše la se tloxe? Matebele a tla le fetša". Ba kae bo-Sikxavêlê sa Bathokwa ka bo-Makxapola. Ba se ke ba šetša keletšô yeo ya mohumaxadi Mmathšipi.

Ba re ba sa thabile ba gja dinamama ba bintšha basadi kôma tša bodika, a tšwêla Matebele ka dihlôpha ka mahla koreng ôhle a motse, a ba dikanetša a ba fetša Makxau Maune a Morulana.

Mokxômana wa xa Mafêfê a hwêla xôna ntweng yeo le Setlakalane. Bakxômana ba boileng ntweng yeo Bošexa ke Mmankxatleng, xa Mafêfê ke yêna Mafêfê. Banna ba feletšê moo basadi ya šala e le bahlôlôxadi. Monna o tee a êmêla motse, le methepa e hlôka batšei.

Ke xe Mmankxatleng a nthša bodika bya Mathunya, a ile <sup>xe</sup>bo sa tšwa xo aloxa, a fihla Maune a Morulana a xopotšê xo thopa dikxomo, ka xe banna ba fedile ngwaxôla ntweng. A tšwêla e sa le xosasa a bônwa ke mosadi ka beng a tšoxetšê nokeng. Ba re, re a mo leka a phonyofa a hlaba mokxoši, banna ba tsoxa, ntwa yeo e lwelwe ke dialoxadi sa nee matsoki. Banna xe xe ba êtšwa ka kxôro ba wêla Matebele xodimo ka thšoša, ba ithêta, ke bo-Kômasepela a Mmanthonyane, Lexeti, Kxarole, Moseneke ka bo-Matêle le ba bang.

Ba ba theoša le moedi wa Mmabodibane, ba ba swara lehlakola se ba hle, xe ba lebile noka ya Mphoxodiba. Phalafala ya lla. Ba re "Batho ba jeng le ba xomêlê, batho ha se dikxokonyana". "Moraxo suwa buša Mmakwana xe Makxowa a hula. Mme batho ba thšabêla ka ntšie, Mmankxatleng yêna a ya Molele.

Moraxo xa Makwana ya eba komeledi, a latêlwa ke Setlakalane, o hwile ka 1938. Lehono xo buša Makwana.

8/5 S (75)

75 3 (I P 3)

K34/5

3

Dirêtô tša baxale ba marumô

Hômasepela Mpe Malaka  
 Hômasepela Mmanthwaneng  
 Le petšana Lethunya le maratetšo a xo apha motho  
 A mmôna a thšoxa Matebele  
 Makujwana ba xa Mmathšipi  
 Ba re: Lenaba le etla Komasepela  
 Dioka tša Mmamoxale ka senya  
 Ka senya ka dia makxabutla  
 Mmamalekane a Rankaxele o leka namane  
 O leka seoka mmaxe a hwile  
 Xwa re mokxolokwane ka hlôka molletši  
 Ke thšuwana Mabula lejela thata la xabô  
 Moremadi  
 Ke lle nama, ke timile rakxadi  
 Ke timile ngwana Mpe Mahulwane  
 Mahutamong o hlabile manyapo  
 Šagaša o e hlabile e sa hutame  
 Namane e thšweu papola majweng  
 Ngwan'abo Mmanyabela sethakxa sa  
 Xo tse xo hlabana ntwa  
 O Mošweu o hlaba kala seatla

Ka senya  
 foka tša  
 xa Mafwafwane

II

'Kxwadi Makutu Mpe'

Šhip'a - Mmasekxeke - a - bo Makitla  
 Thšweu ya ditsebe Makutu a xa lekutumiša  
 Motho ka theko ya lerumô  
 Motho a šala a bina tlakasêla a etša  
 Tšie ya lephatakalela  
 Letsatsi xe o phsirima o moloi  
 Aka be o kile oa seba makxatla  
 Manaba manaba a xa Rakhaxana.

## Kxosi Mmankxatleng.

Mmankxatleng diatla ke kxone xo lesa  
tša batho

Ihšweu a seloa rangwane'a Mošitši  
Rangwane'a Putla le Setlakalane  
Mmankxerexere a bo Mošitši a nthša  
Ihšosa a nthša rumo le lexolo xo mangwê  
Nthsexeleng thetebodi a Maleka

Kotšê ke swere ya tlow lelokwane  
Moretswana wa Mapakwaneng ke thupa  
ke Kxati ngwan'a Lesiba

Ke Kxati e triang batho pelo  
Morwa Ramaseo pheko e khwibidu  
ke pheko ya xo re ya fenya Matebele  
Sefenya ka basimane maxaola  
Maxosi ka moka le se le kxobane  
Le xoma ka Porotlwane a molomo  
Ka bo Selosamaboa bo Lekatsile  
Tau swara kxomo ngwan'a Lesiba  
sebata sa mangana.

Mo lesê a fetê xo fetše bo Letsana  
ka bo morwa Mmakadi monn'a  
Kxati, Ba dia dikxomo mošala šopeng  
Ba di élêlwa xola ba pholoxile  
Ba e ja morutswane xa Mphahlêlê.

Ends.

end s 75